



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

[Text]

urn:nbn:de:hbz:466:1-12846



HIER. FRACASTORII

ALCON,

sive

de cura canum venaticorum.

ASSIDVIS nuper fessus venatibus Alcon,
Falleret æstiu ut fastidia longa diei,
Coruini quæ se nemora excelsissima cœlo
Extollunt, viridi dū captat frigus in umbra,
Dicitur ad iuuenem senior sic fatus Acastum.

Me segnes artus, defectaque viribus atas
Et superare iuga, & latis discurrere campis,
Et torquere leues hastas, & ferre pharetram,
Nate, vetant, densaq. indagine cingere siluas.
Sed te puluereum cursu transmittere campum
Ferre æstum frigusque, leues agitare Molosso
Et pinguem siluis ad tecta auertere prædam
Nunc decet, ac validam pro me exercere iuuentam.
En arcum pharetramq. tibi, jaculumq. relinquo:
Netamen usque adeo plena confide pharetræ,
Ut postrema canum interea tibi cura putetur:
Quorū ope veloces poteris præuertere cernos,
Aut aprum ingentem, aut fuluum superare leonem,

Ergo age, & hæc tecum semper mandata referua.

Principio ut generosa canum tibi copia nunquam

Desit, quæ certam valeat promittere prædam,

Elige degeneri nequaquam semine natos,

Sed quos assidue filius exercuit altis

Et labor indomitus, sauarum & præda ferarum.

Nec vero parui formamque genusque putaris:

Nam neque sunt animi, neque mores omnibus ijdem,

Et variae diuersa canum dant semina gentes.

Nam rabidas si forte feras te cura tenebit

Venari, & variis caput obiectare periclis,

Spartana de stirpe tibi, de stirpe Molossa

Quere canes, Libycos illis, acresq. Britannos

Pannoniosque truces, & amantes prælia Celtas

Adde, nec Hyrcanos, nec seras sperne feroce.

Si vero paruos lepores, capreasque fugaces

Malueris, timidosque sequi per deuia ceruos,

Delige Pannonios agiles volucresque Sicambros.

Quod tibi si latebras, abstrusaque lustra ferarum

Rimari certa catulorum indagine cordi est,

Hunc usum implebit Perses & Saxogelonus,

At genere ex omni præsertim delige quæ nec

Corpore sit gracili, nec densis aspera villis,

Sed sublime caput, viuacia lumina & amplam

Ostentet frontem, atque ingentes oris hiatus:

Cui rectæ surgant aures, cui pinguiata terga

Diuidat in caudam descendens spina reflexam:

Sint armi lati, sint æque pectora lata:

Lata aliis, que sic costis adiungitur imis,

P ii

Vt tamen in spatiis sensim se colligat arctum:
Vt caua diductis succedant ilia costis,
Excipiant siccis quas fortia crura lacertis.
Ima pedum parua signent vestigia planta.
Huic similem coniunge marem, cum vere tepenti
Tangit amor genus omne avium, genus omne ferarum.
Bis quinastamen ante dies accensus vterque
In venerem, venere abstineant: sic plena libido:
Acrius exstimalat, viresque ad semina præbet.
Hinc maior soboles, atque inde valentior exit.
Quæ simul ac se se numero protulit ortu,
Selige de multis quos iam præstare videbis
Pondere: vel stipulae flammis include sonoris
Ingentem turbam: prolis nam mota periclo
Egregiam sobolem, melioraque pignora mater
Ocyus eripiet flammie & inertia linquet.
Illi igitur plenis ubi nondum viribus ætas
Accessit, paruum cursu descendere collem,
Et molli assuecant se se demittere cliuo.
Hinc tenerum leporem, vel crura infirma trahentem
Sectari capream, & facilem percurrere campum
Incipiat, verbisque viri parere vocantis.
Nulla mora est, ipsis crescent cum viribus anni.
Iam potes hos tuto densis committere siluis:
Perque altos montes per lustra agitare ferarum.
Nec minus aut apro, aut fuluo obiectare leoni:
Si modo vel capreas, vel deditabere ceruos:
Immodicis tum parce cibis, tum cursibus illos.
Exerce assiduis: ac mox ad tecta reuerti,

Vincla pati discant: ita demum libera colla,
 Cum res ipsa, ususque vocat, maiore feruntur
 Impete, nec cursum remoratur pigra sagina.
 Hactenus in siluis catulos eduximus altis:
 Nunc quae morbos sit cura adhibenda, docebo.
 Insomnes cum forte canes occulta fatigat,
 Vimque adimit febris, putrem tunc ore cruentem
 Ferro emitte leui: dein Bacchica dona rosarum
 Misce oleo, et rapidis simul omnia concoque flammis:
 Terque die inserto demitte in guttura cornu.
 Si vero nimio venandi langueat aestu,
 Butyro lapathi succos, Siculique Lyai
 Pocula, contusumque piper simul omnia miscens
 Prosubige: ut certi simul ac commixta liquoris
 Prætulerint speciem, cupido canis hauriat ore.
 Immodicam sed forte fitim dum subleuat atro
 Fonte canis, lymphæ mala si successit hirudo,
 Cimiceo suffire canem nidore licebit:
 Aut oleo ptisanam et spumanti melle subactam:
 Incoquere, offensoque cani præbere vorandam.
 At cum terra lues, clausos dixerit, palatum
 Afficiet misere, silvestria sesama, nec non
 Bacchi acidos latices, et chartam sume perustam,
 Atque Ammoniaci frustum: dein singula in unum
 Confundens, tætræ causam superilline pestis.
 Tum vero, ardentes oculos inimica perurit
 Cum tabes, crebræque fluunt à lumine guttæ,
 Iam frondes sacrae myrti silvestris et vvae
 Arentesque rosas diluto concoque Bacho,

P. iii

*H*isque affecta leui citus ablue lumina dextra.
*I*nde oleum, atque ouii niseos immitte liquores.
*Q*uod si natiuo stimulatur coxa dolore,
*L*emiuolum lapidem, Meditem nomine dicunt,
*V*rina sēmel atque iterum demerge recenti:
*C*ui Bacchi dulces, acidosque adiunge liquores,
*Q*uaque latet pestis sumta circumline penna.
*A*st ubi rupta nouo manabit sanguine vena,
*T*um murem geminum, ac telam pendentis arachnes
*V*re foco, cineremq. vndanti impone crux:
*P*roderit et ferro candardi tangere vulnus.
*O*bstructo vero lotij cum forte meatu
*V*exari aspices catulum, cerealia dona
*O*bijce lacte prius simae persusa capellæ.
*A*t contra venis si quando sanguis apertis,
*P*ro facili vrina, terram madefecerit atram,
*C*onueniet lente feruenti lactis aheno
*M*ollire, et tenues coriandri immittere succos,
*I*nfractumque piper, laticemque vndantis oliui,
*I*nsertoque cani paulatim infundere cornu.
*Q*uid? taceam nimio cum decidit vngula cursu?
*F*rangere namque iuuat pallentis grana cumini
*D*entibus, admotaque pedem lenire saliuæ:
*I*ncipientq. noui subcrescere protinus vngues.
*F*it quoq. ut immundo catulus iuguletur ab æstro:
*A*ttu siluestrem crepitantibus vrere rutam
*I*gnibus, et fumo pariter mulcere salubri
*D*isce: dehinc acri perfundere vulnus aceto.
*Q*uin aures etiam muscarum turba molesta

Impetit usque adeo, mutilatum appareat alte
 Ut caput: ipse autem venienti occurre periclo,
 Et prius has nucibus viridiq. putamine tinge.
 Quid cum dura canes inter se prælia miscent
 Alter ut alterius percussus dente laboret?
 Tunc etenim cerui flammæ subiecta voraci
 Ossa teres, oleo subigens frondentis olinæ
 Vnguinis in morem, ac vulnus letale perungens:
Quamquam etiam possis ramenta inducere ferri.
 Namque venenifero serpentis saucius iectu
Quo valeat, scit sponte sua reperire salubre
 Gramen, & ipse sibi nullo auxiliante mederi.
 Senserit at rabidos ubi morsus, protinus ipse
 Idæam rutæ foliis acrique Lyæo
 Iunge picem, læsæque adhibe hac medicamina parti.
 At mala cum scabies miserios depascitur artus
 Latrantum, & fede miserabile corpus adurit,
 Cerusam, abdomenque bouis, resinamq. tenacem,
 Butyrumque recens viridianibus incoque sensim
 Lentisci foliis, infectaque membra perunge.
 Sed tunc præcipue sollerti mente cauendum est,
 Cum rabie accensus nunc hos nunc impetit illas,
 Ipsi infensus hero, datque insanabile vulnus.
 Ergo illum primo valida compescere catena:
 Inde rosa agrestis radicem pondere saxi
 Contusam viui fontis converge liquore,
 Ut potus speciem lino colata nigranti
 Praferat: hac sumpta reuocari ad pristina tradunt
 Sensa canem, ac posita rabie mitescere rursum.

Sunt qui siluestres fucus adipemque vetustum
 Contundant: ederas aliq feruentibus vndis
 Emollire iubent, donec pars vna supersit
 E tribus, atque ipsis foliis, tepidoque liquore
 Pascere quadrupedem aurora surgente furentem.
 Nil tandem vsque adeo prodest, ac prima subipsum
 Principium morbi rescindere semina ferro.
 Nam qua parte imo coniungi lingua palato
 Cernitur, & fauces, natiuo concolor auro
 Occupat, in rabiemq. feros agit vsque Molossoe
 Vulnificus vermis, suffunditq. ora veneno.
Quem si quis potuit ferro resecare, potentem
Is tanti abstulerit causam, stimulumq. furoris.

Quæ superant, olim: nunc prædam ad tecta iacentem
Ferre monet præsens fugientis temporis hora:
Quandoquidem calamos posuit Corydallus acutos,
Et iam sublustres inuectat luna tenebras.

FINIS.

Pag. 3. tuendus. 5. spelea. 9. Hippolyta. 15. sed non etiam addidit alas.
 22. Iulijq. 30. Viribus atq. oneri integris. 36. dediscere nolit amicam. 37.
 Fringuillarj. 39. Stillicidj. 65. Pars cepis superat. 87. quot sub mænib. 96.
 Externoque doces. 105. semina fulcis. 115. nec Seras sperne.